

平治會萃

平治會萃第一

薛氏醫按

元

朱

震亨

著

明薛

已校

吳玄有閱

中風

中風不治證口開手撒眼合遺尿吐沫直視喉如鼾
睡肉脫筋痛皆不治大率治風主血虛有痰以治
痰爲先或虛挾火與熱亦有死血流滯者外中於
風者亦有中氣者當從痰治順氣化痰
半身不遂大率多痰在左屬死血無血在右屬痰有
熱氣虛在左者四物湯等加桃仁紅花竹瀝薑汁

在右者二陳湯四君子等加竹瀝薑汁

痰擁盛者口眼喎邪者不能言者皆當吐

吐法輕用瓜蒂鰕汁皂角重用藜蘆半錢或三分加

麝香灌入鼻內或口內吐痰出一吐不已再吐之亦

有虛而不可吐者氣虛卒倒參芪補之

氣虛有痰濃參湯合竹瀝薑汁血虛宜四物湯俱

用薑汁炒恐泥痰再加竹瀝薑汁入內服能食者去

竹瀝加荊瀝又法以猪牙皂角白礬等分爲末薑

湯調下名稀涎散血虛者四物湯補之

挾痰者亦用薑汁竹瀝

脉訣內言諸不治證見則不可治筋枯者不治舉動則筋痛者是筋枯以其無血滋潤故也

治痰氣實能食用荆瀝 氣虛少食用竹瀝然此二味用開經絡行血氣入四物湯中必用薑汁助之肥白人多濕少用附子烏頭行經

初昏倒急指人中至醒然後用去痰藥二陳湯四物四君子等湯加減用

六鬱

戴云鬱者結聚而不得發越也當升者不得升當降者不得降當變化者不得變化也此爲傳化失常六

鬱之病見矣氣鬱者胸膈痛脉沈瀄濕鬱者周身走
痛或關節痛遇陰寒則發脉沉細痰鬱者動則即喘
寸口脉沉滑熱鬱者脅小便赤脉沉數血鬱者四肢
無力能食便紅脉沉食鬱者噯酸腹飽不能食人迎
脉平和氣口脉緊盛者是也

氣血冲和萬病不生一有怫鬱諸病生焉

氣鬱

香附子

蒼朮

川芎

濕

蒼朮

川芎

白芷

痰

海石

香附

南星

瓜蒌

蒸

青礬

香附

蒼朮

川芎

梔子

血

桃仁

紅花

青黛

川芎

香附

食

蒼朮

香附

針砂

醋炒

山查

神麴

春加芎

夏加苦參

秋冬加吳茱萸

越鞠丸

解諸鬱

又名芎朮丸

蒼朮

香附

撫芎

神麴

梔子

分等

右爲末水丸如菉荳大

凡鬱皆在中焦以蒼朮撫芎開提其氣以升之假如
食在氣上提其氣則食自降餘皆倣此

癰

大風病是受得天地間殺物之氣古人謂之癰風者
以其酷烈暴悍可畏耳人得之者須分在上在下失
在上者以醉仙散取涎血於齒縫中出在下者以通
天散取惡物陳蟲於穀道中出取出雖有道之異然
皆不外乎陽明一經治此證者須知此意看其疣瘡
與瘡上先見者上體多者在上也下先見者下體多
者在下也上下同得者在上復在下也陽明胃經與

大腸無物不受此風之入人也氣受之則在上多
受之則在下多血氣俱受之者上下俱多也自非醫
者神手病者纖心罕見免此夫從上從下以漸而來
者皆可治人見其病勢之緩多忽之雖按法施治病
已痊可若不能忌口絕色皆不免再發發則終於不
能救也余曾治五人中間惟一婦人不再發以其貧
甚而且寡無物可食也餘四人三四年後皆再發孫
真人云吾嘗治四五十人終無一人免於死非真人
不能治蓋無一人能守禁忌耳此婦人本病藥外又
是百餘貼加減四物湯半年之上方得經行十分安

愈 治法 在上者醉仙散在下者通天再造散後
用通神散及三稜針於委中出血但不能忌口絕房
者不治

醉仙散

胡麻仁

牛旁子

蔓荊子

枸杞子

各半兩爲

粗末同炒紫色

白蒺藜

苦參

防風

各半兩

右八味爲細末每一兩半入輕粉二錢拌勻大人

一錢空心日午臨睡各一服淡茶調下五七日間

必然齒縫中出臭涎水渾身覺痛昏悶如醉利下

惡臭屎爲度量大小虛實加減與之證候重而急

再造散

者須以再造散下之候補養得還復與此藥喫須
斷鹽醬醋諸般魚肉椒料果子燒炙等物止可淡
粥及淡煮熟時菜食之茄尚不可食惟有烏梢蛇
菜花蛇可以淡酒煮熟食之以助藥力

鬱金

半兩
生用

大黃

一兩
炮

皂角刺

一兩黑
者大者

白牽牛

頭末六錢半
炒半生用

右爲末五錢臨夜冷酒調下以淨桶伺候泄出蟲
如蟲口黑色乃是多年蟲口赤色是近者三數
日又進一服直候無蟲卽絕根也

寒

主手溫散

有卒中天地之寒氣有口傷生冷之物

戴云此傷寒謂身受肅殺之氣口食水水瓜果冷物
之類病者必脉沉細手足冷息微身倦雖身熱亦不
渴倦言語或遇熱病誤用此法輕者至重重者至死
凡脉數者或飲水者或煩燥動搖者皆是熱病寒熱
二證若水火也不可得而同治誤即殺人學者慎之
傷寒

傷寒必須身犯寒氣口食寒物者從補中益氣湯中
加發散藥屬內傷者十居八九其寒邪之所湊其氣

必虛只用補中益氣湯中從所見之證出入加減氣
虛熱甚者少用附子以行參芪之劑如果氣虛者方
可用此法 已上傷寒治法可用於南方不宜北

暑

戴云暑乃夏月炎暑也盛熱之氣著人也有胃有傷
有中三者有輕重之分虛實之辨或腹痛水瀉者胃
與大腸受之惡心者胃口有痰飲也此二者胃暑也
可用黃連香薷飲蓋黃連退暑熱香薷消蓄水或身
熱頭疼躁亂不寧者或身如針刺者此爲熱傷在分
內也當以解毒白虎湯加柴胡氣如虛者加人參或

咳嗽發寒熱盜汗出不止脉數者熱在肺經用清肺
湯柴胡天水散之類急治則可遲則不可治矣成火
乘金也此爲中暑凡治病須要明白辯別慎勿混同
施治春秋間亦或有之切莫執一隨病處方爲妙
黃連香薷飲 挾痰加半夏 乘虛加人參黃芪
或清暑益氣湯加減用

注夏

屬陰虛元氣不足

戴云秋初夏末頭痛脚軟食少體熱者是也補中益
氣湯去柴胡升麻加炒黃柏挾痰止用南星半夏陳
皮之類或生脉散出千金方

暑風

戴云暑風者夏月卒倒不省人事者是也有因火者有因痰者火君相二火也暑天地二火也內外合而炎爍所以卒倒也痰者人身之痰飲也因暑氣入而鼓激痰飲塞碍心之竅道則手足不知動靜而卒倒也此二者皆可吐內經曰火鬱則發之挾火挾痰實者可用吐法吐即發散也量其虛實而吐之吐醒後可用清劑調治之

濕

戴云濕有自外入者有自內出者必審其方土之致

病源東南地下多陰雨地濕凡受必從外入多自下起以重腿脚氣者多治當汗散久者宜疎通滲泄西北地高人多食生冷濕麵或飲酒後寒氣怫鬱濕不能越作腹皮脹痛甚則水鼓脹滿或通身浮腫如泥按之不起此皆自內而出也辯其元氣多少而通利其二便責其根在內也此方土內外亦互相有之但多少不同須對證施治不可執一

本草蒼朮治濕上下俱可用

二陳湯加酒芩羌活蒼朮散風行濕最妙

內傷

肉傷病退後燥渴不解者有餘熱在肺家可用參苓
甘草少許姜汁冷服或茶匙挑薑汁與之虛者可用
人參湯 世之病此者爲多但有挾痰者有挾外
邪者有熱鬱於內而發者皆以補元氣爲主看其所
挾之病而兼用藥

✓火

有可發者二 風寒外來者可發 鬱者可發

陰虛火動難治火鬱當發看何經輕者可降重則從
其性升之實火可瀉小便降火甚速凡氣有餘便是
火火急甚重者必緩之生甘草煎瀉煎緩人參白朮

亦可 人壯氣實火盛顛狂者可用正治或硝水水

水飲之 人虛火盛狂者可用生薑湯與之若投以

米水正治立效有補陰即火自降者炒黃柏地黃之

類 山梔子仁大能降火從小便泄去其性能屈曲

下行降火人所不知凡火盛者不可驟用涼藥必用

溫散 入方

左金丸 治肝火

黃連

六兩

茱萸

一兩或半兩

水丸白湯下五十粒

傷風

戴云新咳嗽鼻塞聲重者是也